



Patriotske lige 30, Tel.++387 33 27 84 00; Fax.++387 33 20 01 58; E-mail: gfsa@gf.unsa.ba <http://www.gf.unsa.ba>

ID broj: 4200494560112

PDV broj: 2004944560007

Broj: 04-1-8-14-25/24

Sarajevo, 06.06.2024. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Sl. glasnik BiH", broj: 39/14 i 59/2022) i člana 115. Statuta Univerziteta u Sarajevu (br. 01-14-35-1/23 od 26.07.2023.), na Preporuku Komisije za nabavku broj: 04-1-8-14-24/24 od 06.06.2024. godine, u postupku nabavke: Radijska, televizijska, komunikaciona i srodna oprema LOT 3: WIFI ruter, Dekan Univerziteta u Sarajevu – Građevinski fakultet je donio

## ODLUKU

o izboru najpovoljnijeg ponuđača i dodjeli ugovora

### Član 1.

Prihvata se preporuka Komisije za javne nabavke broj 04-1-8-14-24/24 od 06.06.2024. godine i ugovor za javnu nabavku roba: Radijska, televizijska, komunikaciona i srodna oprema LOT 3: WIFI ruter, JRJN: 32420000-3, prema Izmjeni i dopuni br. 0101-3137/24 od 21.3.2024.godine Plana javnih nabavki integrisanog Univerziteta u Sarajevu, broj: 02-2-3/24 od 30.01.2024. godine pod stavkom Robe koje provodi Građevinski fakultet – Robe 2, putem otvorenog postupka dodjeljuje se ponuđaču Univerzalno d.o.o. Sarajevo u ukupnoj vrijednosti od 148,00 KM bez PDV-a, odnosno 173,16 KM sa PDV-om, prema ponudi evidentiranoj kod ugovornog organa pod brojem: 04-1-8-14-8/24 od 21.05.2024. godine.

### Član 2.

Obzirom da je izabrani ponuđač dostavio tražene dokaze o kvalificiranosti u okviru drugog lota iste nabavke, oslobađa se obaveze naknadnog dostavljanja istih.

### Član 3.

Ova Odluka će se objaviti na web stranici Univerziteta u Sarajevu – Građevinski fakultet, [www.gf.unsa.ba](http://www.gf.unsa.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

### Član 4.

Ova Odluka stupa na snagu danom donošenja.

### Obrazloženje

Na osnovu Odluke o pokretanju postupka javne nabavke roba broj: 04-1-8-14-2/24 od 16.4.2024. godine, Univerzitet u Sarajevu – Građevinski fakultet je pokrenuo otvoreni postupak javne nabavke roba: Radijska, televizijska, komunikaciona i srodna oprema LOT 3: WIFI ruter, u skladu s Planom javnih nabavki integrisanog Univerziteta u Sarajevu za 2024. godinu: Robe koje provodi Građevinski fakultet, Robe 2. Procijenjena vrijednost nabavke iznosi 150,00 KM bez PDV-a za LOT3.

Za provođenje postupka predmetne nabavke, imenovana je Komisija za javnu nabavku Rješenjem dekana o imenovanju broj: 01-2-184/24 od 05.02.2024. godine, i odlukom o formiranju komisije br: 04-1-8-14-3/24 od 16.04.2024. godine, koja je provela proceduru javne nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda (broj: 04-1-8-14-13/24 od 28.5.2024. godine) koje su blagovremeno, do utvrđenog dana, dostavljene od strane ponuđača na adresu Ugovornog organa.

Tenderska dokumentacija broj: 04-1-8-14-5/24 od 26.4.2024. godine učinjena je dostupnom svim zainteresovanim ponuđačima na Portalu javnih nabavki BiH, uz Obavještenje o nabavci broj: 29334-1-1-16-3-28/24 od 26.4.2024. godine.

Krajnji rok za dostavljanje ponuda bio je 21.5.2024. godine do 10.00 sati. Javno otvaranje pristiglih ponuda je zakazano za 21.5.2024. godine u 11.00 sati.

Iz Zapisnika o otvaranju ponuda vidljivo je da je Komisija za javne nabavke dana 21.5.2024. godine u 11.00 sati, po redoslijedu zaprimanja izvršila javno otvaranje blagovremeno prispjelih ponuda sljedećih ponuđača:

Redni broj	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	Elur d.o.o. Kiseljak	DA	4-1-8-14-7/24	21.05.2024. godine u 8:55 sati
2.	Univerzalno d.o.o. Sarajevo	DA	04-1-8-14-8/24	21.05.2024. godine u 9:38 sati

Na javnom otvaranju ponuda nisu bili prisutni predstavnici ponuđača. Zapisnik o otvaranju ponuda je 21.5.2024. godine prosljeđen putem e-maila ponuđaču koji je blagovremeno dostavio ponudu.

Komisija za nabavku je u Zapisniku o otvaranju ponuda sačinila pregled ponuda primljenih u roku po redoslijedu zaprimanja:

Redni br. na rang listi	Naziv i sjedište ponuđača	Ponudeni popust	Ukupna cijena ponude
1.	Elur d.o.o. Kiseljak	0	<p>Cijena ponude bez PDV-a = 150,00 KM</p> <p><i>Ukupna cijena ponude sa uračunatim popustom bez PDV-a = 150,00 KM</i></p> <p>PDV na cijenu ponude = 25,50 KM</p> <p>Ukupna cijena za ugovor 175,50 KM sa PDV-om</p>
1.	Univerzalno d.o.o. Sarajevo	0	<p>Cijena ponude bez PDV-a = 150,00 KM</p> <p><i>Ukupna cijena ponude sa uračunatim popustom bez PDV-a = 150,00 KM</i></p> <p>PDV na cijenu ponude = 25,50 KM</p> <p>Ukupna cijena za ugovor 175,50 KM sa PDV-om</p>

Komisija za javne nabavke sastala se 27.5.2024. godine s početkom u 9:00 sati, radi pregleda i ocjene ponuda, odnosno da bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije. Iz Zapisnika o pregledu i ocjeni ponuda je vidljivo da u ponudama ponuđača nije bilo računskih grešaka.

Komisija za nabavke je utvrdila da ponude ponuđača ispunjavaju sve uslove za kvalifikaciju tražene Tenderskom dokumentacijom, te je u skladu s tim ponude ocjenila kao prihvatljive.

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji 04-1-8-14-5/24 od 26.4.2024. godine i Obavještenju o nabavci broj: 29334-1-1-16-3-28/24 od 26.4.2024. godine, za predmetnu nabavku predviđeno je provođenje E-aukcije, te je Komisija za javne nabavke u skladu sa podzakonskim aktima zakazala E-aukciju kroz sistem E-nabavke za dan 3.6.2024. godine s početkom u 10:00 h.

Komisija za javne nabavke je u Dodatku zapisniku o pregledu i ocjeni ponuda broj 04-1-8-14-23/24 od 6.6.2024. godine sačinila početnu rang listu ponuđača koji su pozvani da učestvuju u E-aukciji:

R. br.	Naziv/ime ponuđača	IDB/JIB	Početna cijena u KM bez PDV-a	Rang
1.	"ELUR" D.O.O. KISELJAK	4236010950005	150,00	1
2.	UNIVERZALNO D.O.O. SARAJEVO	4201699570001	150,00	1

Iz Izvještaja o toku i završetku E-aukcije vidljivo je da je E-aukcija kvalifikovanih ponuđača započela dana 3.6.2024. godine u 10:00 h i ista okončana navedenog dana u 10:20 sati.

R. br.	Naziv/ime ponuđača	IDB/JIB	Konačna cijena u KM bez PDV-a	Rang
1.	UNIVERZALNO D.O.O. SARAJEVO	4201699570001	148,00	1
2.	"ELUR" D.O.O. KISELJAK	4236010950005	149,00	2

Nakon E-aukcije, Komisija za nabavke je na osnovu Izvještaja o toku i završetku E-aukcije u Zapisniku o pregledu i ocjeni ponuda konstatovala da je najpovoljnija ponuda ponuđača Univerzalno d.o.o. Sarajevo.

Shodno navedenom, Komisija za nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu – Građevinski fakultet da se u predmetu nabavke roba: Radijska, televizijska, komunikaciona i srodna oprema LOT 3: WIFI ruter donese Odluka o dodjeli ugovora ponuđaču Univerzalno d.o.o. Sarajevo, čija konačna cijena ponude iznosi 148,00 KM bez PDV-a.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za nabavku i odlučeno je kao u dispozitivu ove Odluke.

#### PRAVNA POUKA:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.


#### Prilog:

- Zapisnik o pregledu i ocjeni ponuda broj: 04-1-8-14-13/24 od 28.5.2024. godine
- Izvještaj o toku i završetku E-aukcije od 3.6.2024. godine
- Dodatak zapisniku o pregledu i ocjeni ponuda broj: 04-1-8-14-23/24 od 6.6.2024. godine

Akt obradio: Nedim Tuno

Akt kontrolisala: Sabina Bajrić, dipl. prav.


Akt odobrio: prodekan za finansije, prof.dr. Anis Balić, dipl.ing.građ.



DEKAN:  
Prof. dr. Samir Dolarević, dipl. ing. građ.

Sekretar Univerziteta u Sarajevu – Građevinski fakultet potvrđuje da je Odluka u skladu sa zakonskim i podzakonskim propisima koji su na snazi, te da je dekan Univerziteta u Sarajevu – Građevinski fakultet nadležan za donošenje iste shodno članu 71. Zakona o visokom obrazovanju („Službene novine Kantona Sarajevo“, broj 36/22).

Sabina Bajrić, dipl. prav.



---

Dostaviti:

1. Učesnici u postupku
2. Dosije nabavki
3. Web stranica ugovornog organa
4. Služba za računovodstvo i finansije
5. Arhiva